

**Radunanza dals 18-01-2017 a las 20.00**  
**in l'Alvetern ad Ardez**

**Salüd**

Daniel Franziscus salüda a 30 preschaints, 5 s'han s-chüsats.  
Rico Viletta e Richard Hässig vegnan elets sco dombravuschs.

**1. Il protocol** da l'ultima radunanza generala vain prelet ed approvà.

**2. Quint annual**

La chaschiera preschainta il quint annual cun üna sperdita da 312.97 frs.

Reto Franziscus prelegia il rapport dals revisiuors da quint. Tuot saja in uorden e correct. Il rapport vaign approvà da la radunanza ed i vain dat dis-charg a la chaschiera ed a la suprastanza.

**3. Rapport presidial**

Daniel Franziscus recapitulescha l'on passà. Il fat, cha malgrà üna preschentscha da 23 commembers, nu saja stat pussibel da chattar l'on passà ün president nouv, til haja dat da pensar. Pero grond plaschair til haja fat la salamuaira d'ürant la tschaina da l'on passà. I füss flot schi dess darcheu alch in quella direcziun. Eir la novaziun cul di da chüra cun famigla saja stat ün success. El ingrazcha a tuot quels chi sun stats activs per la società ed a la suprastanza per lur lavur praistada.

**4. Rapport derschader**

Mario Hässig es cuntaint chi s'ha müdà l'on passà alch in la società. La parteciapziun saja creschüda. Al di da chüra cun famiglia d'eiran 38 preschaints. Quel arandschamaint vain trat inavant eir quist on, simplamaing invezza da cun la famigla culs scolars, quai als 10 da gün.

**5. Infuormaziuns davart las cuntribuziuns**

La chaschiera orientescha davart üna problematica in connex cun la cuntribuziun per commembers libers. Chi nu saja gnü inchaschè l'on passà la cuntribuziun da quels tenor ils statüts. Voul dir cha quels nun hajan pajà la taxa per l'adöver da l'implant da tir. Tenor ils statüts füssan quels deliberats be da las cuntribuziuns da la secziun e da la UGCP pero na da las cuntribuziuns per l'abunamaint dal chatschader grischun ne da la cuntribuziun per l'adöver da l'implant da tir Urezzas (art. 5). I da singuls votums chi ragalessan gugent als commembers libers la cuntribuziun per l'adöver da l'implant da tir e da quels chi vessan gugent schi gniss tgnü inavant vi dals statüts chi sun gnüts revais be güsta avant duos ons. Schi's less müdar alch füssa da far üna dumonda per üna müdada dals statüts. Quai saja pussibel cun üna majorità da 2/3 da las vuschs. Quella dumonda nun ais pero entrada.

## **6. Mutaziuns ed onurificaziun**

Il president orientescha chi haja dat plüssas sortidas ed ün mortori. Sortits sun Reto Rauch, Orlando Steiner senior, Christian Barbüda senoir, Mathias Brodt, Armon Steiner e Jon Domenig. In memoria dal defunt Jachen Pierin Strimer vain tgnü ün mumaint da quietezza. El ans ha bandunà als 12 schner da quist on.

Implü ha la società tut sü cun ün applaus a trais nouvs commember, a Men Duri Gaudenz ed a Jannik Strimer sco candidats ed a Marcus Bühler sco commember A. Lüzzi Thom es dvantà veteran in assenza.

## **7. Quo vadis tir intern?**

La suprastanza cussaglia da cuntinuar cul tir intern sco fin uossa malgrà la participaziun maigra. Quai voul dir cun premis e tschiana sur ün mez di. La radunanza va d'accord cun quai.

## **8. Propostas a man da la radunanza da delegiats**

Cunquai cha las dumondas nu sun amo publicadas vain spostada quista tractanda sün la radunanza da prümavaira.

## **9. Orientaziuns**

La piazza d'uster pel tir Urezzas es vacant e stess gnir occupà da nouv per na ir aint il ris-ch chi füss da tour in avegnir il sandwich cun sai per ir a trar. Interessents as dessan annunzchar pro Christian Mayer. Il fit s'amunta a 1'000 francs e i dà 50 fin 60 jadas l'on cha l'ustaria pudess gnir manada.

Marcus Bonorand es gnü elet dincuort sco successur da Cesare Mauri sco president dal tir da 100 meters e leivra.

Nouv sarà avert l'implant da tir eir als 13 da settember per trar aint il schluppet. Chi chi douvra dadour ils termins üsitats la pussibilità da douvrar l'implant da tir ha da pajar 15 francs spaisas.

Als 30 da mai es il di da mantegnimaint da l'implant da tir, quai a partir da las 18.00. Interessents as dessan annunzchar pro Marcus Bonorand.

Marcus Bonorand douvress sper ils commembers da la suprastanza amo 5 avisaders.

Il post da president dal district IX ais dvantà liber davu la demischium da Marcel Franziscus, causa limitaziun dal temp d'uffici. Tenor rouda vess la secziun Sarsura il dret d'occupar quel post. Nus das-chain pero eir spordscher ün candidat. N'ingün nu s'annunzcha per quel post.

Als 9 da schner haja dat ün inscunter tanter la suprastanza ed il guargia sulvaschina Guolf Denoth. Quai causa discussiun pertoccond il fat chals guargias sulvaschina sajettan tschiervis avant la chatscha da reduziun. Quel inscunter haja manà sclerimaint e balchè las uondas. Guolf Denoth declera als preschians quai che'l ha eir declerà quella saira a la suprastanza.

Ün preschaint fa attent, davu las explicaziuns da Guolf, chi fessan pero melder da desister sün talas acziuns d'ürant la not. Tenor Guolf saja la not pero optimala per evitar gronds disturbis, per far üna meldra selecziun e cha la sulvaschina saja là ingio ch'ella chaschuna accidaints. Plünavant saja quai ün andamaint üsità e verificrà in tuot il chantun.

## 10. Varia

La suprastanza ponderscha da far ün viadi da società. Davart quel gnirà vuschà la prossma radunanza. Chi chi haja propostas, tillas dessa manar sün la prossma radunanaza.

Annetta Clagluna propuonna cha Guolf Denoth tgness ün reafarat davart feridas pro la sulvaschina dūrant üna prossma radunanza. Ch'ella haja fingià dudi quel referat e cha quel füss optimal. Il predient piglia quai per mans.

Armon fa attent sün ün bun artichel aint il paor grischun davart ils privels da las saivs. Tenor quel artichel sajan d'evitar scha ma pussibel saivs da rait-flexi. Emil Kunen disch cha in cas as poja annunzchar pro el schi's vezza situaziuns privlusas per la sulvaschina.

Gian Luca voul savair co chi guard'oura cun l'orbantüm. Guolf declera cha 69 chamuotschs orbs sajan crappats o gnüts sajettats. La situaziuin s'haja quiettada magari ferm pero id exista il privel d'üna seguonda uonda.

Emil Stecher fa attent a tuots da's tganir vi dal reglamaint da chomonnas per evitar chi detta problems cul cumün in avegnir.

Il president serra la radunanza a las 21.50

L'actuar Armon Schlegel